

DR JUNG STAINLEMER



In dären Ussgoob:

Begriessig	2
Lääserbrief	3
Glyggegrimpeli	4
Rätselegge	9
Sunschtigs	10
Bowling-Oobe	11
Ussbligg	12

Begriessig:

Sali zämmell!

Wie bereits in dr letschte Ussgoob vom Junge Stainlemer erwähnt, isch d Redaggtion vom Junge Stainlemer usgstaubt worde. Nammentlig sin die alte Segg vo Redaggtore (Roman und Marc) in Friehpangsoon gange und hän Platz gmacht fir e jungs und dynamischs Team (Dom und Niggi). Mr sin uns notürlich bewusst, ass mr kai llychti Noochfolg aadrätte, aber Sorge um d Zuekunft vom Junge Stainlemer muess me sich glaub kaini mache.

Wien ihr sicher bereits gseh händ, hän mr e baar Neuerige vorgnoo. Z allererst hän mr gfunde, ass dr Jung Stainlemer e neus Gsicht könt verdraage und hän uns dorum für e neus Layout entscheide. Mr wänn doodermit ainersytts für e früsche Wind Sorge und hoffe uff dr andere Sytte natürlich au, ass euch die Änderige gfalle.



Do d Alt-Redaggtore Marc und Roman

Usserdäm hän mr aistimmig (!) entscheide, d Byydräg vom Junge Stainlemer in Zuekunft uff Baseldytsch (neui Rächtschrybreform) z schryybe.

Doodermit wär aigentlig alles gsait. Mr wänn euch nid wyter langwyyle und wünschen euch vil Spass bim lääse vom Junge Stainlemer.



Die neue Redaggtore Dom und Niggi

Lääserbrief zem Basel Tattoo:

Quick - Maaarch!

So und ähnlich trieben die Meitschers ihre Formationen am Tattoo voran. Die gleichen Adjektive, die für die Auftritte galten, hätte man auch für die Crew des Jungi Stainlemer Baizli verwenden können: wohlklingend, volumenreich und altersgemischt waren die Stimmen unserer Leute an der Front, stark die Präsenz unseres Service und der fliegenden Verkäufer auf der Strasse, präzise die Bewegungen beim Bier auschenken und erfolgreich das Resultat des Beizli allgemein.

Im Vergleich zum letzten Jahr hatten wir eine riesige Anzahl Helfer, die bewusst und mit Hingabe die Junge Garde unterstützt haben. Sogar Alt Gardisten haben uns in diesem Jahr geholfen und einen wichtigen Teil zu diesem Erfolg beigetragen.

VIELEN DANK AN ALLE HELFER!!!!

Natürlich werden wir es nicht bei diesem Dankeschön auf farbigem Papier belassen. Auch in diesem Jahr wieder gibt es für alle Helfer ein kleines Erntedankfest. In welchem Rahmen und wo? Das sei an dieser Stelle noch nicht verraten.

Dr Obmaa



S Glygge-Grimpeli 2007

Binggis

Resultat

Goalschütz

Lazio Staine - Spale Kickers	2:2	Yannick 2x
Volli Kanone Binggis - Lazio Staine	3:1	Pablo
Spitzbuebe - Lazio Staine	3:0	
Lazio Staine - Strizzi Kicker	2:1	Yannick / Pascal

Zwüscherundi leider knapp verpasst



Lazio Staine

Jungi

Stächschnooge - Stainz 05	0:3	Remo 2x / Sandro
Spal(sch)uttis - Stainz 05	0:1	Sandro
Stainz 05 - Seebäre juniors	4:0	Severin / Fabian / Sandro /EG

Zwüscherundi

Stainz 05 - Celtic Wettstai	1:0	Remo
Stainz 05 - JB Stürmi Füdle	4:0	Remo 2x/Sandro2x

 $\frac{1}{2}$ Final

Stainz 05 - Rosshofbuebe	0:1	
---------------------------------	-----	--

Final umme dritte Platz

Stainz 05 - GuJu Dreams	1:0	Sandro
--------------------------------	-----	--------



Stainz 05

FC Everstone - Blöffer	0:4
FC Döörlikicker - FC Everstone	1:0
Everstone - Die Megaagfrässene	0:2
Celtic Wettstai - FC Everstone	4:0

Zwüscherundi leider knapp verpasst

Grimpeli-Ywurf:

Wie allewyy het au das Joor bi schönem Summerwätter (vor allem dr Sunntig) s Eidgenössische Glygge-Grimpeli statt gfunde. Die junge Stainlemer sin grad mit 3 Mannschafte gstartet und hän über die 2 Dääg e maischt souveräni Laischtig botte.

Zem ainte het sich dr FC Everstone, unter dr Laitig vom Pascal Tülle-
rich, laider frieh usem Turnier verabschiedet. Me muess aber au saage
ass es e jungi Mannschaft isch mit grossem Zuekunftspotenzial (gmaint
sin natürlig d Spiiler und nid dr Trainer...).

Wyter hämmer no Lazio Staine ins Renne gschiggt won e guets Turnier
zaigt hän. Die beide Trainer / Betreuer Steve und Raymond sin do au
mit vollem Ysatz hinter ihrem Team gsi.

Z letscht hämmer dr erfolgsverwöhnt Stainz 05 spiele gseh, wo mit
eme guete 3. Rang s Siigerpodescht het könne bestyyge.

Vo de Staine Old Stars gits do nid vyy z brichte, si häns zwor ind Zwü-
scherundi gschafft, aber au nid meh.

Mr hoffe natürlig, ass entgegen em aggduelle Trend im Wältfuessball,
alli Schpiiler iirem Club treu blyybe, drmit mr im näggschte Joor mit
beschstens yygspiilte Teams no de Grimpeli-Stärne gryffe könne.



Rätselegge:

Findsch die 5 Fähler im untere Bild:



D Lösig findsch uf Sytte 11

Sunschtigs:

Dä nätti Herr do unde rächts isch syt em Summer eure neue Drumme-
linschdruggder. Er het au e Namme und zwor isch das dr

Steve Isler

Alter: zwüsche 20 und 30
Grössi: grösser als ihr
Woonort: neumen in dr Stadt
Drby sit: e halbi Ewigkeit
Bruef: neu Vollzytinschdruggder
Lieblingsclub: d Stainlemer
Hobbies: mr glaupe schutte und natürlig drummler



**Do könnt scho
bald euer
Brichtli stoo!!**

S Zyl isch, ass dr Jung Stainlemer in Zuekunft au vo euerne Brichtli
läbt. Das könne Bricht vom Herbstbummel oder eme Fescht syy. Es
ka au sunscht öbbis syy won ihr drüber wänd brichte.

Abgää könned ihr Vorschleg bi eurem Inschdruggder (Andi, Christoph,

Bowling-Oobe:



Bilder vom Summerferie-SPECIAL vo de Pfyffer vo de Junge am 28.06.2007.

Mit de Inschdruggdore
Andi und Christoph



Lösig vom Rätsel:

1. Narebaschhi-T-shirt vom Remo 2. FCZ-Hose obe rächts 3. linggi! Fuess vom Remo 4. dr Stulpe unde rächts 5. fählends Staine-logo ufrem T-shirt obe

Ussbligg:

In dr näggschte Zyt zwüsche Auguscht und Dezämber ghört sicherlig dr HERBSCHTBUMMEL VO DE BINGGIS UND DR JUNGE GARDE zum ene feschte Termin. Und zwor wird dä am **15. und 16. Septämber** stattfinde.

Kurz drufabe, aso am **29./30. Septämber**, goots denn grad witer und zwor mit em Jungtambouren- und Pfeiferfest 2007 in Laupersdorf, wo mr natürlig au am Start wärde syy. Also alli schon emool uf dä Termin iebe dehaime, denn gits en erfolgrychs Fescht (gits das nid sowiso immer...?).

Witer dien mr do schon emool uf dr **15. Dezämber** ufmerggsam mache, das git e riisigs Kombo-Fescht. Und zwor isch es in erschter Linie s Intärne Bryysdrumme und -pfyffe vo de Junge Stainlemer mit buntem Oobe. Glychzyttig isch es aber au e Wienachtsfescht für die ganz Staine-family und z letscht isch es au e Geburtsdaagsfescht, d Staine wird nur grad 8 Dääg spöter 95 Joor alt. Somit wird also die ganz Glygge awäsend syy und hoffentlig au in irgend eren Art und Wyys mitmache, hälfe und/oder ufdrätte. Uf jedefall gits e SAU-SACH!!!

So doodermit wäere mr am Ändi vo unserer erschte Usgoob und mr hoffe euch hets gfalle. Sicher gits no Sache wo mr dra fyyle mien, aber mr erwarte gärn e Ruggmäldig vo euch, was het euch gfalle? Was nit? Was hän mr vergässe? Falsch gmacht? Mr bruuche so vyyl Feedback wie möglich, ass mr an Erfolg vo unserne Vorgänger aknüpfe könne.

Beschte dangg fürs läse und me gseht sich im Käller
Also in däm Sinn, iebet flyssig

DOM&NIGGI